

洞真太微黃書天帝君石景金陽素經 卷三

大帝招魂衆文

金陽素經曰夫欲長生神仙宜知胎息之道是求生之寶也還年返白延壽不老常以夜半之後生氣之時正平坐東向冥目閉氣氣極則止常能為之百病萬害不干羣精魘魅莫敢犯試矣

至平旦日初出時輒正向之微以鼻取日精服之須移時則止令人有少童之容面有華色米無皺斑也

服氣令人不飢服日精之法令人不老閉氣胎息長年無極常存北二十四神令此無病病竊呼神名祝之須臾之類愈也

金陽經曰常念心中出赤氣上行通喉嚨以意閉之於泥丸為之不止三尸自去長生久視司命刻名著不死之紫錄也

子欲升龍入斗常服九臺符則與太一相見不知服九臺符則天門閉不開也服之萬神天仙皆來降于之室白日飛登太微之官可總制仙官也

太微天帝曰上清石景之符十八首及太帝招魂一篇上清之秘文本出乎上清之瓊閣後封乎崑崙之山金堂玉戶之內萬年一開昔太微天帝君受之於玄圃仙伯遂得飛行上清是錫天帝之位也適意所欲朝禮金闕

策御雲龍矣諸欲學道者不得此符必不成也徒勞於山數不免卒敗於魔試欲服之者以雌黃墨書符勿以丹書之也以紙書燒服之亦可作尺二格桐外內皆有字必疾升天勿妄泄非賢不傳奉而述之制總羣精呼陰召陽所欲立至世隔不違科約殃及七世可不慎哉可不慎哉

服東嶽之符則神文開出上清雲與迎于逆知萬事五嶽同法先東嶽以次服之及十八詔符印文具寫之紫素先存置簡中以正月奏之夕山帝以奏畢置大石間莫令人知也子以黃土七升作泥泥上竟因祝之曰戴佩太微石景黃文今謹寫一通以還仙君使我登虛運無駕雲仙靈侍衛與真為羣奉五嶽悉如此法則名山石室神仙之文為子

露出神芝奇草自然而見也

子欲作金陽其印具燒文于服印俱燒而吞之忽然自與神通服印之法以墨書之吞一印隨為程以印封符其相成子服符常先食服之符入當寒熱視益明須臾之間當有白衣玉童或是書生服正立子前勿驚也須臾自消去矣當存之三十日子身自然輕舉上士能騰入清虛游宴上清中士能舉形百丈下士十丈

子服十八符皆見印衣人也是子誠篤衛符玉童玉女見兆真形也欲服符先絕五葷血食房室勿履污穢百日乃幽居無人之室勿與俗人諠譁共處則其道成也

子服石景金陽符者尤禁汚慢惡行當修身念道齋靜精專為先死能修此道可以升仙與天真相友得與眾仙交通則訶召神靈降致金丹芝草也坐致行廚龍車羽蓋靈童玉女天下眾精皆來走使無問不知無求不得天地別符可以辟兵萬里天下賊人有謀之者反交其殃有舉五兵向之者皆還自傷亦

可封亦可燒服亦可著竹杖中以尺二筒書符素長九寸廣四寸置符筒中以繫臂男左女右秘之秘之自非錄名太極玉簡之于不得與相遇得帶之者得遊四方厭伏萬史世人佩之享福延年子孫繁昌道士得之飛行上清有之者降福修之者升虛也

子欲升入太微當服無上靈符則入太一元皇中矣子欲朝禮天帝上紫宮當服太上靈符

子欲見太上道君當服明堂符

子欲入五嶽令其山大神及諸仙人皆來侍衛者當各服其徽符也


子欲入元關中當服元先符即見元先君矣

子欲服從仙官見百二十神者當服萬神符即見諸仙君矣

子欲降見太清九神人當服天門符即見太清君矣


子欲上天入淵飛行八素縱橫隱匿唯意所之當服太微天帝石景別符則天地鬼神不拘留子也

符臺九



果仙人之印 果神靈之印 可以御黃之印

符靈上太




斗衡之印 元皇之印 萬神之印

符靈上無




天地神丹印 九皇之印 萬仙之印

符神萬




可以入天門印 萬神不忤印 與仙同印

符君道謁上




真人手印之印 無敢問之印 馳入太清印

符神萬位來一太



驛斗官印 萬神遊之印 受爵之印

符先元




元先之印 乘龍升仙印 發太清印

符堂明




雲車之印 倉元皇之印 乘龍之印

符 門 天 開




陽九之印 斗君之印 天迎之印

符 皇 上 謁




天帝奉生印 乾門以開印 奉節之印

符 祿 東



萬神夾已印 百獸夾系印 天使行威印

符 祿 南



制萬神印 皆從已印 千二百形印

符 君 九 謁



使持稱官印 使令之印 衆同別印

符 祿 西




九迴君執印 神章所下印 甚息之印

符 祿 北




黃老之印 元先之印 可令却邪印

符 祿 中




天火以行印 寒濕之印 冬夏自然印

符 室 泰 通



洞靈表奉之印 八異以得之印 幸不違仙印


符 別 地 天



元始萬神之印 萬方受之印 萬凶除之印

太微天帝君曰天門符者上來第四是也子若修服之者先燒香於左右玉童玉女各四十人衛之有經之者禮拜崇敬盛以黃錦之縑勿令玉童玉女糾子之過也可不勗哉受此文者用黃地錦四十尺黃金七兩臨授師與弟子對齋七日或四日然後而盟告也若帶此文及存服者皆以金陽石景之大祝也  
金陽經曰每存服帶佩之時叩齒三十六通嚙液三十六過臨目而微祝曰

太微天帝紫宮靈尊玄空太真為帝之先其道廣大其化自然真理潛通流布無間精入明堂保胎益氣朱山再開奉迎靈元左來日華右掇月根流火萬丈金羅碧裙腰帶天錄首巾華冠賜蒸登虛飛行上清乞願升仙役使萬神天靈地祇莫敢不臣萬向皆會福德如山瓊響遐振惡魔滅煙



右太帝招魂符以雞鳴時北向燒香吞之以攝魂神者也服符畢微祝曰

太帝耀明和攝魂庭三魂七魄鎮守故形神安體全得以長生百疾消散五藏康寧使我飛仙策駕雲軒赤子扶胥得氣之精覆我紫蓋導從羣靈畢叩齒三通咽液三過服符之後心中常當存祝此法具百神不相失之訣秘而行之

按九華真妃曰太微黃書本有八卷真人昔於赤城山中以八籙交帶真文授許遠遊明君所有者是也君所以未飛騰上清驂駕雲龍正由不觀石景八素之篇第今以相授都有十八符并經序按而修之策龍步玄舉形階漸矣可秘而實之太微石景之黃文故非黃赤之小術累相鑿誠矣未蕩於身心君素行既彰且玉體已標高運味玄咀真呼引景耀凝靜六神搜別八明委順靈根保鍊三度養液和魂假使衝風繁激將不能伐我之正性也絕飆勃蕩為能迴已清淳邪爾乃空中自吟虛心待神營攝百絕棲澄至真當使憂累靡干於玄宅哀念莫擾於絳津也淡泊眇觀顧景共歡於是至樂自銜鉉聞於兩耳雲璈虎彈手空軒也口挹香風眼接三雲帶佩金陽制御羣凶俯仰四運自得成真視眇所灌皆已合神矣夫真人之得真每從是而獲耳不真而強真亦於此而顛覆也復使愆病填籍憂哀塞抱經營常累隱惜小道和適羣聽求心裕老忽發哀音乎未夕長悼死殺以

悲逝心精感神離三魂隕氣邪運空聞鬼告翹翹棄我虛陳造遠百祟何可捏生道以奔於死房已陶靈風方踐死室擲已吉象投之凶穢乎名聞高勝而故猶豫屢觀明科而未釋疑遂羅汚上章使臭晨隱書四極擊鼓三官尋茅誓云何而忘太初馬於是神虎奮爪毒龍放牙八方誠廣曷處而逃身告謝之後方悟清遠之可羨言者之虛且哀聲亂真干忤正炁明君胡不常處福鄉於此振衣而歸室乎今以石景金陽文相付行今盡觀八卷之首也

洞真太微黃書天帝君石景金陽素經

卷三

十